



Fondacija tuzlanske zajednice

Vitalni znaci 2015/2016

Konsultacije sa građanima

Razgovor sa članovima mjesnih zajednica na području općine Srebrenik



Pozadina

Početak 2016. godine Fondacija tuzlanske zajednice je u okviru istraživanja kvalitete življenja "Vitalni znaci 2015/2016" održala niz konsultacija sa građanima fokusiranih na izgradnju bolje zajednice kroz identifikaciju stanja u lokalnoj zajednici i jačanje individualnog osjećaja odgovornosti (pripadnosti) pojedinaca za stanje u lokalnoj zajednici.

Sve fokus grupe u okviru konsultacija počele su kratkim prezentacijama istraživanja i tema za diskusiju, nakon čega su građani ocijenili svaku oblast istraživanja o kvaliteti življenja, te kroz rad u malim grupama, prezentaciju i diskusiju iznosili svoje mišljenje. Dobiveni rezultati razgovora sa građanima pomogli su Fondaciji da ispita subjektivni osjećaj kvaliteta življenja i zajedno sa građanima identifikuje prilike za djelovanje unutar lokalne zajednice.

Konsultacije sa građanima su u periodu mart - april, održane u saradnji sa članicama Mreže aktivnih zajednica i predstavnicima mjesnih zajednica, pri čemu su dvije fokus grupe održane ciljano sa ranjivim kategorijama u društvu, sa ženama i mladima.

Forma diskusije

Diskusije sa građanima fascilitirane su od strane FTZ tima koji je vodio učesnike kroz tri pitanja, osiguravajući prostor za učešće za diskusiju i doprinos svih učesnika. Tri pitanja na kojima se fokusirala diskusija su:

1. Kada razmišljate o vašoj zajednici, kako izgleda zdrava, vitalna zajednica?
2. Šta je dobro u vašoj zajednici? Šta funkcioniše?
3. Šta se može popraviti u vašoj zajednici?

Kao dodatak diskusiji građani su pozvani da na postovima napišu kako oni lično mogu i žele doprinijeti izgradnji bolje zajednice.

Ocijeni vitalnost svoje zajednice!

Diskusije sa građanima fascilitirane su od strane FTZ tima koji je vodio učesnike kroz 12 oblasti istraživanja. Građanima su ukratko objašnjene oblasti istraživanja o kvaliteti življenja, te za svaku oblast su im predstavljeni dijelovi preliminarnih rezultata koje smo dobili statističkom analizom i koji se odnose na područje Tuzlanskog kantona. Kratkim opisom konteksta za svaku pojedinačnu oblast će pomoći u razmišljanju i davanju ocjene stanja za svaku navedenu oblast.

Naime, u okviru istraživanja tokom aprila 2016. godine, građani TK su imali priliku dati svoju subjektivnu ocjenu stanja u zajednici putem upitnika koji je bio istaknut na internet portalima u gradovima na području TK.

Upitnik je tražio od građana da uzmu u razmatranje i dobre i loše pokazatelje unutar svake oblasti i da daju generalnu ocjenu stanja u svojoj zajednici. Za svaku oblast u upitniku je ponuđeno nekoliko osnovnih, preliminarnih podataka koji govore ponešto o stanju u navedenim oblastima.

Učesnicima diskusije podijeljeni su upitnici sa preliminarnim rezultatima koje opisuju svaku oblast, a nakon što je prezentovana svaka pojedinačna oblast, učesnici su ocjenjivali vitalnost svoje zajednice.

Tokom diskusije o oblastima istraživanja učesnici su imali priliku dati generalnu ocjenu stanja u svojoj zajednici.



Datum: 19. april 2016.

Oblast za diskusiju: Mogućnosti za početak

U saradnji sa: Mreža aktivnih zajednica i općina Srebrenik

Lokacija: Općina Srebrenik (Dom kulture, plava sala)

Broj učesnika: 6

Sažetak diskusije:

Zbog značaja ovih tema i interesa koji za njih vlada u zajednici, diskusija je urađena sa zajednicama općine Srebrenik koje nisu u Mreži aktivnih zajednica, što je omogućilo prisustvo iz 6 različitih mjesnih zajednica (Srebrenik I, Duboki Potok, Gornji Moranjci, Srebrenik II, Behrami i Previle).

S obzirom da su učesnici predstavljali različite tipove lokalnih zajednica koje se suočavaju sa različitim potrebama i izazovima u izgradnji bolje zajednice, tokom diskusije istaknute su određene razlike u trenutnom stanju i težištima za napredak. Nakon što je predstavnicima mjesnih zajednica predstavljena svaka od oblasti istraživanja, ocijenili su svaku oblast po subjektivnom nahođenju, te se detaljnije raspravljalo o jednoj oblasti istraživanja koja zahtije društvenu reakciju.

Predstavnici mjesnih zajednica su se izjasnili da je “zdrava”, “vitalna” zajednica ona koja ima uređen sistem i zakone. Ujedno mjesto u kojem mladi bračni parovi imaju mogućnost zaposlenja. U svakom slučaju “vitalna” zajednica je ona koja pruža kvalitetan život i nema korupcije. Mogućnost za početak u “zdravoj”, “vitalnoj” zajednici je dosta lakši ako je omogućena laka registracija biznisa, subvencije na otvaranje biznisa, kao i subvencioniranje mladih, te u kojoj nema sive ekonomije.

Ono što je dobro u zajednici je to da građani općine Srebrenik žive u tradicionalnom duhu, te im je uglavnom obezbjeđena stambena sigurnost. Zatim treba spomenuti i pozitivno ekološko okruženje, te potencijal za turizam. Građani smatraju da u općini Srebrenik dobro funkcionišu prosvjetne institucije.

Ono što treba poboljšati u zajednicama na području općine Srebrenik je mijenjanje svijesti ljudi, ulagati u očuvanje prirode i turizam. Trebalo bi spriječiti “rad na crno” i olakšati procedure prilikom otvaranja biznisa.

Kroz oblast “Mogućnost za početak” smo ujedno dotakli i sve ostale oblasti, te diskutovali o njima malo opširnije. Putem konsultacija ove vrste je nemoguće diskutovati samo o jednoj odabranoj oblasti, a da se ne dotaknu sve ostale koje su pomenute u okviru ovog istraživanja.



Mogućnosti za početak

Građani su rekli

Kako izgleda „zdrava“, „vitalna“ zajednica?

- “Uređeni zakoni i sistem države”
- “Mogućnost zaposlenja mladih ljudi, pogotovo mlada bračna zajednica”
- “Mladi trebaju imati pogodnosti od države za mogućnost početka života u zajednici”
- “Subvencije na otvaranje biznisa”
- “Kvalitetan život u svakom smislu”
- “Nema rada na crno”
- “Svi penzioneri treba da imaju ostvarene dobre prihode”
- “Osnivanje porodičnih biznisa”
- “Bez korupcije”
- “Država u kojoj se puni budžet i vraća dobit u poticaje”
- “Socijalistički sistem upravljanja”
- “Tržište rada usklađeno sa školstvom”

Šta dobro funkcioniše u vašoj zajednici?

- “Život u tradicionalnom duhu”
- “Uglavnom obezbijeđena stambena sigurnost”
- “Život u zajednici sa roditeljima i njihova pomoć”
- “Prosvjetne institucije”
- “Proizvodnja kornišona”
- “Pozitivno ekološko okruženje”
- “Potencijal za turizam”

Šta se može poboljšati u zajednici?



- “Ulagati u očuvanje prirode i turizam”
- “Smanjenje državne administracije”
- “Poboljšati zakone i omogućiti brži i lakši način otvaranja biznisa”
- “Spriječiti rad na crno”
- “Mijenjati svijest ljudi”
- “Ozbiljnost radnika u radu”
- “Radnici traže posao, a ne zaposlenje, trebali bi privređivati preduzeću”
- “Turistička zajednica bi trebala održavati Gradinu, odnosno Tvrđavu Srebrenik – veliki turistički potencijal”



Šta ja mogu uraditi da dopinesem izgradnji zdravije i bolje zajednice?

- “Ostaviti Facebook i TV, očistiti kanale, pokositi travu, okrčiti ogradu, zasnovati porodicu”
- “Zahvaliti se kapitalizmu i prihvatiti jedan od savremenih tipova socijalizma”
- “Organizovati uređenje prostora za okupljanje mladih na području MZ”
- “Organizovanje omladine”
- “Podsticati samozapošljavanje”
- “Akcije na održavanju prirode”
- “Zasaditi sadnice”
- “Čišćenje mjesta zagađenih deponijom smeća (neregistrovanih)”
- “Očistiti mjesnu zajednicu od otpada”
- “Aktiviranje omladine oko uređenja mjesnih sredina”
- “Čišćenje šuma, rijeka potoka i parkova”

Mogućnosti za početak





Vitalni znaci-ocjena vitalnosti

Srebrenik

	1 - Loše, potrebno je odmah reagovati	2 - Zadovoljavajuće, potrebno je održati ili poboljšati stanje	3 - Odlično, možemo biti uzor drugima.
Zdravlje i rekreacija	1,22	2	
Stanovanje	2	1,78	
Jaz između bogatih i siromašnih	1,33		
Obrazovanje i perspektive za cjeloživotno učenje		1,67	
Osjećaj sigurnosti	1,33		
Mogućnosti za početak	1,44		
Kultura i umjetnost	1,44		
Životna sredina		1,78	
Rad i zapošljavanje	1,11		
Pripadnost i vodstvo	1,33		
Lokalna mobilnost		1,89	
Ekonomija i poduzetništvo	1,22		

1 - Loše, potrebno je odmah reagovati (Do 1,5)

2 - Zadovoljavajuće, potrebno je održati ili poboljšati stanje (1,5 - 2,5)

3 - Odlično, možemo biti uzor drugima. (Preko 2,5)